



COLEGIO ARUBANO

R.K SCHOOL VOOR CICLO BASICO,
CICLO AVANSA, V.W.O EN H.A.V.O.
VONDELLAAN 14
TEL. 5822005 / 5822684 / 5831373 / 5828930
FAX: 5832676, ARUBA
E-mail: info@colegioarubano.aw

Na tur alumno di Colegio Arubano y
nan mayor/cuidado

Oranjestad, 6 di juni 2025

COLAUA: 2024/2025–206

Topico: Rooster CP6

Apreciabel mayor/cuidado, alumno,

Pronto e periodo di CP6 ta inicia. Esaki ta tuma luga for di **diahuebs 19 di juni te cu diahuebs 26 di juni 2025**. Diaranson 18 di juni ta un dia regular di scol caminda algun alumno di H4 tin un CP, despues di cua nan ta sigui cu les normal.

Adhunto e rooster di CP6. Tambe lo publica e rooster aki riba nos website <http://colegioarubano.aw>. Pa e material di CP por consulta e PLTnan cu tambe ta obtenibel riba nos website of via bit.ly/PLTs24-25.

Puntonan di atencion durante CP

- Tur alumno mester identifica nan mes cu nan carchi di Colegio.
- E intencion ta cu despues di CP tur alumno ta continua cu nan studiamiento pa e siguiente dia di CP.
- Durante e periodo di CP, tur regla di scol ta keda valido. Principalmente e reglanan relaciona cu uniform.
- Si e alumno ta ausente durante e periodo di CP, mester haci lo siguiente:
 - Mayor ta raporta e yiu malo prome cu 8:00 am, door di yama scol of door di yena e formulario riba e website: bit.ly/ziekmal
 - E alumno ta raporta fisicamente na Medwork prome cu 10:00am.
 - Unabes bek na scol, e alumno ta entrega e carta di Medwork na secretariado di scol.
 - Si no tin motibo valido pa ta ausente, e alumno ta haya e cifra 1 pa e CP cu e no a traha.

Carchi di Colegio ta obligatorio durante CP6

Ta obligatorio pa tur alumno muestra nan carchi di Colegio durante e CP-nan. Cada alumno tin un carchi di Colegio cu su nomber y potret riba dje. Alumno cu no por muestra nan carchi di Colegio, mester bay na e administracion di scol pa saca un prueba substituto.

E dianan di inhaal di CP

Esnan cu pa motibo valido no a traha un CP, por recupera e CP despues di a entrega e carta di Medwork. E dianan pa recupera CP ta para riba e rooster. Pa tur claridad: diabierna **27 di juni** y dialuna **30 di juni 2025** pa tur alumno.

Procedura di Medwork

Medwork ta sigui e siguiente procedimiento:

1. E alumnonan cu pa motibo di enfermedad ta haya nan stroba di participa na un CP, mester raporta fisicamente e mesun dia, entre 8.00 y 10.00 am na Medwork.
2. Bistimento di tapaboca ta opcional, solamente si e alumno no tin sintoma di griep.
3. E costo di e consulta na Medwork ta **AWG 35.00** y tin cu ta paga door di e alumno of un mayor/cuidado. Por paga cu carchi di banco na tur dos localidad, pero por paga cu efectivo tambe.
4. Na e cita, e estudiante mester bin cu un ID valido of e carnet di scol.
5. Medwork Caribbean N.V. no lo sumistra niun informacion tocante e alumno na tercer persona.
6. Despues di control, e alumno lo haya un declaracion firma pa e dokter di Medwork Caribbean N.V, cu a control'e, den cual ta indica:
 - si e alumno pa motibo di e enfermedad por participa na CP of no;
 - e duracion di e malestar.

Medwork su localidadnan ta na Tanki Flip y San Nicolas (Bernhardstraat 101).

Pa clausura, nos ta desea tur alumno hopi exito cu CP6!

Cu un saludo cordial,
Na nomber di directiva di scol


M. Boekhoudt-Wernet, MSc Ed.
Conrector